



Poštovani birači izvan Bosne i Hercegovine,

Centralna izborna komisija Bosne i Hercegovine provodi aktivnosti na pripremi predstojećih Općih izbora 2018. godine.

Podsjećamo da su birači izvan Bosne i Hercegovine, koji žele da ostvare svoje biračko pravo, obavezni da podnesu prijavu Centralnoj izbornoj komisiji Bosne i Hercegovine.

Od birača izvan BiH će se zahtijevati dostava propisane dokumentacije. **Ovo je prilika da potrebnu dokumentaciju pripremite na vrijeme.**

Ako privremeno boravite izvan BiH, da bi se prijavili za glasanje izvan BiH potrebno je da posjedujete važeće identifikacione dokumente BiH (dostavljate kopiju jednog od tri važeća dokumenta – lična karta ili vozačka dozvola ili pasoš BiH).

Ako ste izbjeglica, a ne posjedujete važeće dokumente BiH (ličnu kartu ili vozačku dozvolu), dokumenti koje trebate dostaviti uz prijavni obrazac su:

- dokument za dokazivanje državljanstva BiH (uvjerenje o državljanstvu BiH, ne starije od 6 mjeseci ili kopiju važećeg pasoša BiH)
- dokument za dokazivanje identiteta s fotografijom (kopiju važećih isprava izdatih od strane zemlje domaćina ili kopiju izbjegličkog kartona izdatog od vlade zemlje domaćina ili druge međunarodne organizacije)
- dokaz o prebivalištu u BiH (kopiju potvrde o prebivalištu ili kopiju lične karte u cijelosti iz 1991. godine)

Centralna izborna komisija BiH će vas blagovremeno obavijestiti putem medija, internet-stranice Centralne izborne komisije BiH, diplomatsko – konzularnih predstavništava BiH, klubova i udruženja građana Bosne i Hercegovine u inostranstvu i kancelarije međunarodnih, vladinih i nevladinih organizacija koji rade na pitanju izbjeglica i pitanja migracija o rokovima za dostavljanje prijave za glasanje izvan BiH.

Centralna izborna komisija BiH poziva sve birače koji žive izvan Bosne i Hercegovine da blagovremeno počnu s procesom pripreme neophodne dokumentacije kako bi se mogli prijaviti da glasaju za predstojeće Opće izbore u BiH, koji će se održati prve nedjelje u oktobru 2018. godine.

S poštovanjem,

Centralna izborna komisija Bosne i Hercegovine